

## Vrieme

Nemreš ga narisat,

same moreš o jem pisat.

Nemreš ga dišat i nemreš ga čujti

kajti navek šuti.

More ti vujti,

ni za pospravit.

Retki se razme z jim.

Naenkrat stane

kak da neče pojti

i več novega nemre dojti.

Navek zmanjka.

Nigdar ga ni dosti.

Od vsih

ostale same buju kosti.

A jega še navek

kak listja bu dosti.

Ak si pameten,

moreš ga stvoriti,

i moreš ga šparati,

čak i drugomu dati.

Zgledi da ga ni,

a vseposud je okoli.

Drži te v školi.

Il je, il ni?

Il ga je, il ga ni.

Gda bo bitno, ga ni,

Da ga ni, ga ni.

Treba si ga je zejti.

**Laura Naumovski**